

Justis- og beredskapsdepartementet

Postboks 8005 Dep

00300 Oslo

Vår dato: 20.02.2014

Vår ref: 2014/370 - 4290/2014 /

Dykkar ref:

Brann- og redningsvesenets organisering og ressursbruk (brannstudien) - høyring

Det vert synt til Dykkar skriv av 13.12.2013 med høyringsfrist 17. februar 2014.

I høyringsbrevet opplyser Justis- og beredskapsdepartementet at det blei sett i gang ei arbeidsgruppe leia av Direktoratet for samfunnssikkerhet og beredskap. Arbeidsgruppa sitt mandat var å greie ut korleis dei samla ressursane i brann- og redningsvesenet kan nyttast best mogeleg, og i samhandling med andre beredskapsaktørar.

Arbeidsgruppa meiner at dagens brann – og redningsvesen ikkje er store nok til å kunna ivareta dei utfordringar som er i samfunnet i dag både når det gjeld beredskap og førebygging.

Arbeidsgruppa har kome fram til tre alternative modellar:

Modell 1:

Organisering og dimensjonering av brann- og redningsvesen som skal følgje fylkesgrenser dvs. 18-19 brannvesen

Modell 2:

Organisering og dimensjonering som sikrar at eit brann- og redningsvesen skal dekkja minst 100 000 innbyggjarar.

Modell 3:

Organisering og dimensjonering som sikrar at eit brann- og redningsvesen skal dekkja minst 20 000 innbyggjarar.

Arbeidsgruppa konkluderer med at alle dei tre modellane gjev grunnlag for at brann- og redningsvesen på ein betre måte enn i dag skal kunna tilretteleggja for analyse, læring og kunnskapsutvikling, robuste og gode fagmiljø knytt til førebygging og betre handtering av ulike hendingar(beredskap). Arbeidsgruppa anbefalar modell 1 på grunn av:

- Størst rom for økonomisk effektivisering
- Kjent geografisk inndeling
- Kjente samhandlings aktørar innan brann og beredskap
- Organisering av Sivilforsvar
- Fylkesros.

Det ligg eit grundig og godt arbeid bak studien som det i utgangspunktet er vanskeleg å vera usamd i. For Stord kommune kan det likevel vera vanskeleg å ha klare meiningar om kva som

isolert sett er den rette av di det no føregår mange prosessar som etter vårt syn må sjåast i samanheng. Ein kan nemne:

- nye distrikt for 110 sentralane
- politistudien – mulig nye politidistrikt
- Politiske diskusjonar om framtidige kommunestruktur, større robuste kommunar.
- Organisering av helseføretak

Stord kommune meiner brannstudien må sjåast i samanheng med desse prosessane/studiane før ein tek endeleg avgjerd på kor ein skal orientera seg i høve samarbeidspartnarar.

Me er alle samde om at ein større region innan brann, redning og førebygging vil gje auka kompetanse og då spesielt på leiarnivå. Det er og sagt i studien at beredskapen skal bestå stort sett slik som den er i dag. Kommunen meiner at det er viktig å oppretthalde det gode førebyggjande brannvern-arbeidet som føregår lokalt. Dette for å vidareføra den gode kontakten som er etablert mellom brannvesen og innbyggjarar, verksemdar, institusjonar m.m. Dersom det skal vera aktuelt å skipa eit brann- og redningskorps i Hordaland fylke meiner kommunen at det også må etablerast ein lokal region/avdeling i Sunnhordland, som kan handtera det daglege innan beredskap og førebygging. Brannsjefane i Hordaland har hatt eit møte/ide-dugnad for å drøfta ei slik løysing i Hordaland Fylke. Stord kommune ynskjer ei slik løysing velkomen og vil vera delaktig i ein slik prosess vidare.

Brannstudien tek og opp spørsmålet om beredskapsgrenser. I vårt distrikt har det over tid blitt innarbeida ulike grenser. Tidlegare fylgde beredskapsgrensene stort sett fylkesgrensene, medan ein no har ulike grenser mellom helseføretak, fagsentral brann, interkommunalt utval for akutt forureining, fylkesmannen si beredskapsavdeling mv. Dette gjer beredskaps bilete uoversiktleg, og kan kome til og skapa utfordringar for ei god samhandling mellom dei ulike aktørane ved store hendingar. Ved å etablere ein Fylkesmodell for brann og redning kan ein unngå dette, men det er då viktig at politidistrikt/helseføretak og andre samarbeidsaktørar innan beredskap også følgjer Fylkesgrensene.

Om den nye regjeringsplattforma kjem fram til at ein skal slå saman kommunar for å skapa meir robuste kommunar, vil det også føra med seg at det blir meir robuste brann- og redningsvesen rundt omkring i Noreg. Stord kommune meiner då vil vera mindre aktuelt å endre strukturen for brann- og redningsvesenet.

Konklusjon

Stord kommune ynskjer brannstudien velkomen, men meiner at brannstudien må sjåast i samanheng med politistudien, eventuelt nye politidistrikt, nye distrikt for 110 sentralane, og framtidig kommunestruktur før ein tek endeleg avgjerd på kor ein skal orientera seg i høve samarbeidspartnerar. Dersom ein likevel skal ta stilling til forslaga i rapporten, vil ein rå til alternativ 1. Dette føreset at det vert etablert ein lokal region/avdeling i Sunnhordland.

Med helsing

Magnus Mjør
Rådmann

Jan Ove Anthun
varabrannsjef

Med helsing

Jan Ove Anthun